

**Pembangunan Sahsiah Belia Bermula Dari Rumah - Rosmah
Bernama
25 April , 2012**

KUALA LUMPUR, 25 April (Bernama) -- Pembangunan sahsiah diri bagi golongan belia bermula dari rumah dengan persekitaran keluarga dan keibubapaan yang harmoni, sekaligus membolehkan mereka memiliki nilai-nilai murni.

Isteri Perdana Menteri Datin Seri Rosmah Mansor berkata pendidikan awal dan penjagaan kanak-kanak mestilah dimulakan di rumah sebelum ia seterusnya mendapat sokongan daripada pihak-pihak lain.

"Ini selanjutnya disokong dan diperkukuhkan oleh sekolah-sekolah, masyarakat, kumpulan agama dan persekitaran yang lebih luas di sekeliling kita. Jika seseorang itu dikelilingi dengan persekitaran yang membenarkan tindakan tidak bermoral berlaku, ini pastinya akan menjejaskan keupayaan individu berkenaan untuk mempunyai nilai-nilai murni dan moral tingkah laku yang baik.

"Kedua-duanya (nilai dan moral) mesti seiring untuk menyerlahkan sahsiah yang baik," kata Rosmah dalam rakaman ucapannya bagi Simposium Pendidikan Penyayang Pada Abad ke-21: Pandangan Wanita yang bertajuk "Memupuk Nilai-Nilai Dalam Kalangan Belia" di sini, Rabu.

Simposium itu dianjurkan Miss Malaysia India Care Association (MMICARE Association) menerusi program 'Gift Her With Life Fund' yang menyokong bantuan mamogram dan dialisis bagi wanita serta pemberian biasiswa bagi pelajar perempuan.

---BERNAMA

Hakcipta © 2012 BERNAMA

Source:<http://www.bernama.com/bernama/v6/bm/newsindex.php?id=661860>